

## Na přeni pokutny džen.

Knježe Jesom Khrystcze, jehnjo Bože, kiž swěta hrěchi nješesch, smil šo nad nami, budž nam hnadny a daj nam twój měr! Hamjeń.

Czerpjenje a wumrjecze nascheho Sbožnika, Božeho jenicžkeho narodženeho Syna, je najwyschši skhodženik Božeje luboscze k nam. Hdy by nam Bóh zplu swět darik, zplu semju a k temu wschě wjetsche a mjeńsche swězy na njeju, kiž wodnjo abo w nozy knježa, dha by to wschitko tola nicžo njebyło porujo Božemu póstnemu darej, porujo Božemu póstnemu woporej. Swět je jeho stworjenje, jeho skutk, njeje pak s jeho bycža wuschol; jeho Syn pak je s jeho bycža, je wot Wótza we wěcznosczzi porodženy. Teho Bóh sa naš do smjercze dawa. — Ženje njemóžemy hlubje do Božeje luboscze pohladacz, hacž w nětczišchim swjatyjm wopornym čašju. Ale tež ženje do nascheho hrěcha hlubje njepohladujemy, dyžli w tutym čašju. Tu šo žadny kscheczijan njemóže teho praschenja smynč: „Čžoho dla dha dyrbesche tón swjaty Boži czerpicž a wumrjecž?“ A pschezo a pschezo šo wotmolwja: „Naschich hrěchow dla“ Wón je sa naš k hrěchej sczinjenu, šo bychmy w nim ta prawdoscz byli, kotraž psched Bohom płaczi. Wón je wschu naschu winu na šo wšak, wschón našch dołh saplaczil, Božej prawdosczzi sa naš doscz činił. Khrystuš je wschitko sa naš snošyl, tež najbolosnišchu, najhanibnišchu smjercž na kschizu, a to wschitko našchich hrěchow dla. Hakle na tutym wyšokim wulkim woporje je prawje pósnuacz žakofna hlubokoscž nascheho hrěcha. Tu je woboje widzicž, wyšokoscž a hlubokoscž póstneho čašja, wyšokoscž hnady a hlubokoscž hrěcha. Hdyž do tamneje horje a do tuteje dele hladamy, njehiba šo pschi tym w kóždej wutrobje, kiž hišcze njeje zyle stwjeržena a sažakła, to sdychowanje: „Ja chzyl rad won s mojich hrěchow! Tuteje hnady dyrbu šo we wěrje mozowacz. Tutu prawdoscz, kiž je mi tón Knješ tak cžežko a tak hórko dobył, dyrbu wopokasowacz w žiwjenju.“ Haj, hdžež wutrobny njejšu kamjenja twjerdsje, tam dyrbi kóždy s pohladanjom do Božeje hnady a s wobhladanjom šameje šwojeje hrěschneje winy šo do wulkeho swjateho póstneho džěła